

Bae Haw

上街

贵港市覃塘区蒙公乡高占小学五年级 周川琳



Youq lajmbanj moix sam ngoenz couh daengz ngoenzhaw. Ngoenzneix youh dwg ngoenzhaw, gou angqvauvau dwk gaen daxmeh itheij bae haw lo.

Daeuj daengz gwnz haw, va, gwnz haw vunz lai raixcaix, nauhyied dangqmaz. Yawjyawj, ndaw diemq yienghyiengh cungj miz: Gijgwn, gijyungh……Dingq, sing bouxbuenq hemq gai, sing bouxcawx gangj gyaq, yienznaeuz mbouj ndeidingq, hix luenhcaucau, hoeng hawj vunz gamjdaengz cibfaen caenciet. Nyouq, heiq noh, heiq haiznaeng, heiq va……Doxgyaux youq itheij, dwg cungj feihdauh daegbied gangj mbouj ok mingz ndeu.

“Bae, raeuz bae cawx di bya baema cawj ba!” Gou gaen daxmeh daeujdaengz dieg gai bya, boux daxau gai bya gaeb duzbya hung ndeu hwnjdaej bak riengj dwk doiq daxmeh naeuz: “Dahcej, cawx di bya

saensien ba!” “Ndei, geijlai cienz it gaen?” Daxmeh cam. “Mbouj bengz mbouj bengz, gaen cij 7 maenz ngaenz.” “A? Neix lij mbouj bengz ha!” Daxmeh nyaeuq najbyak: “Naengz mbouj naengz caiq cienh di?” “Ndei ba, 6 maenz ngaenz gaen ndeu.” Boux daxau gai bya cang guh sim’ in dwk naeuz, “mbouj ndaej caiq cienh lo.” Gou baez raen yienghneix, couh beng fwngz daxmeh naeuz: “Daxmeh, baihaenx boux daxheiz cij gai 4 maenz ngaenz gaen ne!” Boux daxau gai bya raen dou yaek byaij deuz, lienzmuengz gangj: “Ndei ba, gou siedbonj gai hawj mwngz, 4 maenz ngaenz it gaen.” Dou couh cawx sam gaen bya.

Gou riu sam gaen bya ma, youq gwnz loh sim siengi: Baezneix bae haw souhndaej caen mbouj noix ha, gou mboujdanh ndaej gwn bya, lij hag rox gangj gyaq ne!

(指导老师:覃珍团)

Baengzyoux Ndei Gou

我的好朋友

德保县都安乡中心小学 三年级 黄琼妃

Vangz Binh youq ndaw ban dou dwg boux cunghdui ganbu, hix dwg baengzyoux ndei gou.

Miz baez ndeu hwnj dangz yinhyoz, gou caeuq Vangz Binh itheij naengh. Seizneix, geij boux doengz-hag naengh youq baihaeng dou haenx cingq lwnh ngoenzlwenz bijsai cingzvang, gij vah gyoengqde hawj gou dingq ndaej maez dwk, vihliux caeuq gyoengqde gangj vah, gou dawz cek saw daeuj dangj naj, caeuq gyoengqde lwnh gij cuzgiuzsai haenx. Vangz Binh naengh youq henz ndang gou yawj mbouj gvaqbae, doiq dou naeuz: “Gyoengqsou gaej gangj vah lo, lauxsae cingq hwnjdangz ne.” Gou naeuz: “Mbouj youqgaenj, mbouj hawj lauxsae raen couh ndaej lo.” Gou siengj, bingzciengz gou caeuq Vangz Binh ndei lumj beixnuengx, gamjcingz gig ndei, de mbouj gojnaengz lwnh hawj lauxsae. Siengj daengz neix, gou youh caeuq geij boux doengzhag haenx gangj vah lo. Siengj mbouj daengz Vangz Binh dawz mingzcoh gou geiq roengz-daeuj, siengj dawz gienh saeh neix lwnh hawj lauxsae.

Baenz neix, gou sim-vueng lo, gip dwk hanh gyauej conh. Gou sing daemq gouz de naeuz: “Vangz Binh, mwngz yawj songraeuz gamjcingz gig ndei, mwngz couh gaej dawz gienh saeh neix lwnh hawj lauxsae lo.” Vangz Binh mbouj leix gou, gou youh

gangj vahndei naeuz: “Gou soengq haj mbaw cuzgiuz dozceij mwngz ceiq gyaenz haenx hawj mwngz, ndei lwi?” De hix mbouj hai bak, lij caengz gou mbat ndeu. Gou sawqmwh gig hozndat, caen siengj dub de geij mbat, hoeng youh mbouj gamj dub.

Roengzdangz yaep he, lauxsae heuh gou bae ban’ gunghsiz, gangj liux hauilai vah, ndaw sim gou gig nanzgvaq. Ma daengz gyausz, gou di hix mbouj angq. Seizneix, Vangz Binh byaij daeuj doiq gou naeuz: “Siujfeih, gou dwg baengzyoux ndei mwngz, couh wngdang bang mwngz gaij loek, baenzneix guh cij caen dwg baengzyoux ndei.” Dingq le gij vah de, gou cij mingzbeig gvaqdaej. Daj haenx hwnj, gou caeuq Vangz Binh gamjcingz engq ndei lo, songdou guh gijmaz cungj mbouj doxliz.



Hag sat govwnz 《Lumh Seizcin》, lauxsae doigawj le bonjsaw ndei 《Haijlunz · Gaijlwz》 hawj raeuz yawj, gou yungh geij ngoenz seizgan, baedauq doeg baenz geij bienq, ndawsim gikdoengh fouzbeij, hauilai nanz mbouj ndaej caem roengzdaej.


Bonj saw neix gangj Haijlunz ngamq bi buenq seiz deng ciengz bingh hung le, damengz rwz hix nuk lo, swnghhoz youq ndaw laepcup caeuq doeknaiq haenx. Aenvih miz Cahlivwnz lauxsae saeqsim yinxson, Haijlunz dauq miz saeqsim laebdaeb lix roengzbae, vanzlij gig vanzgyangz. De gig gyaenz hagsib, baengh gij cingsaenz mbouj fug saw haenx, doeklaeng baenz boux roxlai hawj vunz boiqfug he.

Dang gou doeg daengz gawq vah “de mbouj faen hwnzngoenz, lumj gaiq haijmenz hawq ndoet raemx nei ndoet aeu cihsiz. De buekmingh mo doeg sawmengz, mbouj dingz sij gij swz caeuq vahgawq, lwgfwnz iq cungj oklwed lo” seiz, gou gamjdoengh raixcaix. De dwg boux damengz rwz-nuk, lij ndaej yienghneix roengzrengz hagsib, siengj daengz ciheij, ndangdaej yienghneix ndei, hagsib

Doeg 《Haijlunz · Gaijlwz》 Miz Siengjap

读《海伦·凯勒》有感

武鸣县仙湖镇中桥小学六(1)班 詹家忠



diuzgen hix mbouj loek, hoeng gangjdaengz roengzrengz beij de ca lai lo. Daj “buekmingh” aen swz neix, gou gamjsouh daengz Haijlunz vih ndaej hagsib, mbouj cuengqsoeng saekdi. “Cihsiz byaengq hai aenda Haijlunz, hawj de engq miz yungji caeuq saeqsim” gawq vah neix hawj gou caiq mbat he gamjsouh daengz cihsiz youq ndawsim Haijlunz daiq

naek lo. Cihsiz mboujdanh hawj Haijlunz ndawsim bienq rongh, hix fungfouq le gij swnghhoz Haijlunz, hawj de youq ndaw laep hix yawjdaengz le saekcaij.

Doeg liux faenzcieng, gou ngeix ndaej engq laeg lo, Haijlunz lumj aengingq nei, ciuq ok gwnz ndang gou gij mbouj gaeuq ndei, ciuq ok gou caeuq de miz gijmaz mbouj doengz, hawj gou roxdaengz, cijmiz roengz-rengz hagsib, gou cij ndaej ganjhwj yamqdin seizdaih, cijmiz hag ndaej Haijlunz cungj cingsaenz mbouj fug saw haenx, ngoenzlaeng cijndaej benz daengz dingjbya ceiq sang seiqvunz.

Youq ndaw faenzcieng, lij miz boux vunz ndeu hawj gou gamjdoengh raixcaix——Cahlivwnz lauxsae. Danghnaeuz mbouj dwg de roengzsim son’ gyaug, Haijlunz couh

mboujmiz gij cingzcik yienghneix hung. Dwg de youq Haijlunz siengsim seiz daeujdaengz henz dang de, son de hagsib, hawj de yungji caeuq saeqsim. Dwg Cahlivwnz lauxsae gij naihsim caeuq caenhsim caenhrengz, gaijbienq le gij mingh Haijlunz, hawj Haijlunz byaij hwnj diuzloh ronghsagsag.

Gyoengqvunz ndaej cwngzgungh haenx, de cungj miz cungj cingsaenz mbouj fug saw haenx, gyoengqvunz ndaej cwngzgungh haenx, ndaw cingzcik gyoengqde cungj miz gij lwedhanh hauilai boux lauxsae! Lauxsae, mboujdanh dawz cihsiz mbouj louz saekdi son hawj raeuz liux, caemhcaiq son raeuz hauilai doenghyiengh daengx ciuh souhyungh haenx!

(指导老师:梁青云)